


Marcé di pöresc: al vëgn chirí cosses de secunda man da vëne y trá ite spënores por paié le fit dl quartier de siur Heinrich Videsott. Le patüc é da condüj tl Pice Salf a La Val, ai 15 de messé dales 8.00 ales 11.00 y dales 16.00 ales 19.00, le marcé sará spo dai 16 ai 24 de messé, vigni de, tres dales 8.00 ales 11.00 y dales 16.00 ales 19.00. Por informaziuns cherdé sö le n. 0471 843182.

Jun a pe cun l'KVW: la proscima gita fajunse en mercui ai 22 de jügn a Völs, y plö avisa *Ums - Hoferalpl - Tuffalm*. Piun ia da Pedraces dales 07:30 y düc é inviá a gní para. Prenotesse pro laco al nr. 0471/839772 cina en lünesc.

Sorvisc ai Jogn: düc i jogn y jones che ó tó pert al proiet "JABA 2016" pó se scrí ite tl ufize SaJ a Picolin o La Ila dal lönesc ala jöbia, dales 8:00 ales 12:00 y dales 13:00 ales 17:00. Sce l'jon/jona n'á nia ciamó complí i 18 agn mess n genitur l'acompagné ala iscriziun! Informaziuns da Christiane Tel.342 8410721.

24 de jügn
San Jan Batista

*Die Rufe aus der Wüste
hallen nach in der
Einsamkeit unserer Herzen*



Plata dla Ploania Badia

San Iaco - San Linert


Ploan: Siur Iaco Wendelin Willeit
Calonia Badia: 0471/839571
E-Mail: parrocchiabadia@libero.it
Radio dla Ploania: 91,10 Mhz

UNITÉ PASTORALA



www.unitepastorala.org

Ann C 19.06. - 26.06.2016 XIIª Domènia dl Ann n. 30



Und wer bin ich
für Dich?

Vangele dla domènia che vëgn - XIIIª Domènia dl ann „C“ Luca 9, 51-62

Canch'al è gnü le tēmp, che Gejù dô gní tut demez dal monn, s'ál tut dant de jì a lerusalem. Y al á ortiè anunziadus danfora. Chisc è rová te n paìsc samaritan y orò ti arjigné n alberch. Mo an ne l'á nia tut sö, ciodich'al è söl tru da jì a lerusalem. Canche i discepui laco y Jan á odü chësc, ái dit: Signur, désson comané ch'al vëgnes fúch dal cil y i desdrújes? Dailó s'ál ôt y i á slomené. Y deboriada ési jüs te n ater paìsc.

Canch'ai jô inant por so tru, ti á n èl baié ados a Gejù y á dit: I ô te gní do indlunch olache te vas. Gejù ti á respognü: Les olps á sües tanes y i vicí sües coes; mo le Fi dl Om n'á degun post olach'al pó lascé jô so ce.

A n ater ti ál dit: Ví do a mé! Al á respognü: Lasceme jì denant a ciasa a sopoli mi pere. Gejù ti á dit: Lascia i morc sopoli sü morc; tò indere vá y incúnda le rëgn de Dì! N ater indò á dit: I ô te gní do, Signur. Mo denant lasceme tó comié da mia familia. Gejù ti á respognü: Degun, che á pié ite la cadria y ciara derevers, ne n'è da val' por le rëgn de Dì.

FUNZIUNS SACRES

19.06. 12^a DOMÈNIA dl Ann C

- 10.00 Mëssa por la Comunità
15.00 Ora de adoraziun con poscibilitè da se confessé
18.00 †ta Augusta Pescollderungg
†to Siegfried Winkler - aniversar (oferta por l'Papa)
†ti Giarone y Marianna Vittur
†ti Christof y Davide
por fam. Sandro y Emma Canins

21.06. Mertesc - S.Luigi Gonzaga

- 19.30 a d'intenziun
†ti Lois y Trinele Craffonara - aniversar
†ta Carmela Thaler

22.06. Mercui – S.Paolin da Nola

- 07.30 †to Paul Irsara / Damez - aniversar
†ti Nane, Pasquale, Walter Irsara y vis y †ti de Ciastel
†ti de Hildegard Senoner

23.06. Jöbia

- 19.30 †ta Emma Crazzolarà Dapunt - aniversar
†ti Hermann y Resi Costabiei
†ta Angela Valentini

24.06. Vëndres – Nativité de S.Jan Batista

- 07.30 †to Albert Pescollderungg - aniversar
†ti Pizzinini Crazzolarà de Runch - aniversar
†to siur Heinrich Videsott
14.00 Sö Oies: De dl pordonn

25.06. Sabeda

- 16.00 Mëssa a Oies

26.06. 13^a DOMÈNIA dl Ann C

“S.Pire y S.Paul” cun siur Gustl Frenademetz

- 10.00 Mëssa por la Comunità
18.00 †ta Anna Pizzinini Irsara
†to Milio Valentini de Col d'Anví
†to Richard Costamoling

Dala VITA dla CÛRA

Dis dla Misericordia cun don Francesco che sará chiló da nos: chèsta domènia ai 19 de jügn dales 15:00 ales 16:00 tratan l'ora de adoraziun olache al confessa ince en vëndres ai 24 de jügn a Oies dales 10:00 cina les 16:00 por confesciuns.

Tratan l'edema dijel chèstes santes mësses:

Domènia, ai 19 de jügn dales 18:30 a Corvara


Sabeda, ai 25 de jügn dales 18:00 a S.Ciascian

Domènia, ai 26 de jügn dales 08:15 a Longiarü, dales 09:30 a S.Martin y dales 18:00 a La Val.

Do vigni mëssa éle ocasiun da se confessé.

An pó ince tó n « apuntamento » a so nr. tel. 335/8227411.

S. Pire de Jügn: en domènia ai 26 de jügn festejense S.Pire y S.Paul te dljia da S.Linert cun siur Gustl Frenademetz a chël che al ti vá l'oferta por les misciuns dla Ciasa « St.Missionshaus ». L'edema do festejense le dër de, ai 29 de jügn, sö La Crusc.



En sabeda, ai 18.06.2016 a La Pli de Mareo se á uní tl Sacramènt dl **MATRIMONE** Katrin Clement cun Thomas Ploner da La Plí. La Comunità de Badia ti aoda tröpa ligrèza y benedisciun de Dî sön so tru deboriada.

Seniorenclub: por stlù jö nostes incuntades se abinun en lünesc ai 20 de jügn dales 13:00 a Pedraces o dan Ciasa dles Uniuns por jí sö Oies cun auti privac. Pater Jan zelebrèia dales 13:30 la S.Mëssa y dedô stunse jö bas a bëire n bun tē y valch lapró y ince a festejé i compliagn. Düc é dër bel inviá.

Gebetsprozession « 1000 Kreuze für das Leben » a Salzburg

ai 24.07.2016 Informaziuns y prenotaziuns al nr. 0473/237338
o bfl@aruba.it